

The Electronic *Manipulus florum*
www.manipulusflorum.com

Gula ab
cum uariis

Quidam cum ad edendum assederint, inquieta quadam agitatione membrorum intemperanciam animi sui designant. Caput excuciant, brachia exerunt, manus in altum expandunt, et non sine magna turpitudine quasi totum epulum simul sint absorturi, ingentes quosdam conatus et gestus satis indecoros ostendunt. In uno loco sedentes oculis et manibus que prope et longe sunt, omnia circumcurrunt, simul panes comminuunt, uina in calices effundunt, discos in gyrum circumducunt. Hanelant et suspirant pre angustia, ita ut existimes eos alium rugienti uentri patientiorem aditum querere, quasi angustia faucium non possit esurienti stomacho satis sufficientem habundanciam ministrare, et uelut rex super obsessam ciuitatem assaultum facturus, dubitant ubi primum expugnacionem aggrediantur, dum simul in omni parte irruptionem facere concupiscunt.

Hugo in suo claustrali.

Varia in MANUSCRIPTIS (B C M) et in IMPRESSIS (P V¹ V² L¹ L²):

assederint] accederint M; exerunt] exuunt P V¹ V² L¹ L²; turpitudine] trepitudine P V¹ V² L¹ L²; sint] sunt B; conatus] cocnatus (*cor. sub lin.*) C; ostendunt] ostendant V²; longe] sine *add. (del. sub lin. et intra)* B; simul] simulque P V¹ V² L¹ L²; effundunt] infundunt P V¹ V² L¹ L²; uentri patientiorem] neutri potentiorem P V¹; possit] possint P V¹ V² L¹ L²; sufficientem habundanciam] sufficienti abundancia P V¹ V² L¹ L²; rex *om.* V² L¹ L²; dubitant] dubitans P V¹ V² L¹ L²; aggrediantur] aggrediatur P V¹ V² L¹ L²; concupiscunt] concupiscit P V¹ V² L¹ L²